



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De Iustificatione hominis 12

urn:nbn:de:hbz:466:1-34315

considerent ac videant, verum Spiritus sanctus quoque in sua scriptura hoc modo loquatur. Quod ubi non inuenerint, non debent eiusmodi locutionibus, vt ab hominibus tantum profectis perturbari aut pusillimos reddi.

Postremò quod Aduersarij Augustinum citant in Enchiridio à capite LXV. vsque ad LXXXI. optandum esset, vt in ea Augustini doctrina seipsis continerent, qui eo in loco de operibus Pœnitentiæ, vt precatione, remittendo iis à quibus fumus offensi, & elemosyna, nihil aliud dicit, quàm quod per eiusmodi opera pœnitentialia gratiam Dei, & remissionem debitarum pœnarum exorare debeamus & possimus, sed per meritum Christi, quoties ex animo nos ad Dominum conuertimus in vera pœnitentia & fide. Nam D. Augustinus singulari diligentia gratiam Dei ac meritum Christi summoperè extollit & celebrat, & quicquid beneficij ad opera nostra Deus in nos confert, vel debitum peccatis supplicium remittit, id totum meram gratiam, ac donum diuinę misericordiæ agnoscit: cum omnia nostra opera, magis Dei opera sint in nobis, quàm propria, atque idcirco ex nostra parte semper imperfecta, vt legi diuinę satisfacere non possint. Ideo de hac re sic scribit, libro quarto, de meritis & remissis peccat. cap. xxviii. *Vniuersa Ecclesia tenet, que aduersus omnes prophanas nouitates vigilare debet. Omnem hominem separari quenquam, nisi qui per mediatorem Christum reconciliatur Deo: nec separari quenquam, nisi peccatis intercludentibus posse. Non ergo reconciliari nisi peccatorum remissione, per vnā gratiam misericordissimi Saluatoris, per vnā victimam verissimi sacerdotis.* Et ad Sixtum presbyterum: *Sicut enim ab initio fidei misericordiam affecti sumus, non quia fideles eramus, sed vt essemus. Sic in fine, quod erit in vita eterna, coronabit nos, sicut scriptum est, in miseratione & misericordia. Non itaque frustra Deo cantatur, Et misericordia eius proueniet me. Et misericordia eius subsequitur.*

Octaua accusatio.

De iustificatione hominis.

CAP. XII.



SI Dominus daret, vt de vera Iustificatione omni ex parte ex animo & serio quæreretur, non autem contentiones & rixę, fieri facile posset, vt communis in hoc articulo statueretur in Domino consensus.

Aduersarij scribunt, Sacram scripturam docere de triplici hominis iustificatione, Librum verò Reformationis tantum de vnica. Item eandem scripturam docere, quòd summa Iustificatio quatuor essentielles partes in se includat, cum liber velit eam duas tantum continere. Tertio S. scripturam docere iustificationem operum, quam liber tacite pratermittat. Quarto Scripturam requirere, vt iuxta fiduciam habendam in iustitia Christi, populus proximè doceatur etiam certitudinem bonę

bone conscientia: cui contradicat Liber.

Responsio ad primum caput huius accusationis.

Quid & quotuplex sit Iustificatio.

C A P. XIII.



VOCABVLVM Iustificari & Iustificatio variè in scripturis v-
surpatur. Aliquando enim significat iustum pronunciare, &
absoluere in iudicio, vt *Iudicate pauperi & pupillo, & iustifi-
cate*, hoc est, iudicium facite & pronunciate, afflicto & ege-
no, Psal. LXXXII. Hoc sensu & intellectu istius vocabuli dixerunt Apo-
stoli, *Nos iustificari à peccatis*, hoc est, absolui, & in gratiam recipi per
Christum Dominum si verè credamus in eum. Vt Act. 7. Notum igitur
sit vobis vniuersis, quod per hunc vobis remissio peccatorum annun-
ciatur, & ab omnibus (intelligit transgressionibus ac meritis suppli-
ciis) à quibus non potuistis per legem Moysi iustificari (hoc est absolui,
mundari & liberari) *per hunc omnis qui credit iustificatur*. Item Roman. 3.
*Omnes enim peccauerunt, ac deserviunt gloria Dei: iustificantur autem gra-
tis per illius gratiam, per redemptionem qua est in Christo Iesu, &c.* hoc est
consequuntur remissionem peccatorum, & rursus in gratiam Dei reci-
piuntur, donanturque gloria Dei. Item: *Sicut per vnius delictum, propaga-
tum est malum in omnes homines ad condemnationem: ita & per vnius iustifi-
cationem propagatur bonum in omnes homines ad iustificationem vitæ.* Rom.
5. Quod iam iustificatio vitæ per Christi iustitiam acquisiuit, & quæ
condemnationi peccatorum opponitur, aliud significabit quàm remis-
sionem peccatorum, & gratuitam adoptionem ad vitam æternam ex
condemnatione peccatorum, propter iustitiam Christi? In eodem om-
nino sensu pronunciauit Dominus de Publicano, quod discesserit à
templo iustificatus magis quàm Phariseus, hoc est absolutus à pecca-
tis, & denuò in gratiam Dei receptus, sicut etiam orauerat, Deus propi-
tius esto mihi peccatori.

*Iustifica-
mur per
Christum
quomodo
intelligē-
dum.*

Hæc summa Iustificatio, quæ est remissio peccatorum, & acceptatio
in gratiam Dei è duabus rationibus nobis obtingit. Primum, cum ab i-
nitio remissionem peccatorum, adoptionem diuinam, & hæreditariam
iustitiam ad vitam æternam in Baptismo percipimus. Deinde, cum re-
missionem peccatorum, in quæ post acceptam adoptionem diuinam
adhuc proh dolor! quotidie prolabimur, exoramus & impetramus à
Domino. Interim tamen Iustificatio nostra coram Deo nihil aliud est,
quàm remissio peccatorum, & grata acceptio in gratiam & adoptionem
Dei propter Christum.

Hoc discrimen prioris & posterioris Iustificationis, tum à grauiori-
bus peccatis, tum à quotidianis, nullo modo circūiuit, vel tacite præter-
misit. Nam de Iustificatione, quàm post Baptismum, & acceptam gra-